

# BWRDD PENSIWN CRONFA BENSIWN DYFED

**DYDD MAWRTH, 29 HYDREF 2024**

**PRESENNOL** Cynghorydd J. Jones (Cadeirydd) (Yn y Siambr)

**Aelodau'r Bwrdd (Yn y Siambr):**

M. Evans, Cynrychiolydd Aelodau;  
Cynghorydd A. Lenny, Cynrychiolydd Cyflogwyr sy'n Aelodau;  
M. Rogers, Cynrychiolydd Pensiynwyr sy'n Aelodau.  
Cynghorydd W. Thomas, Cynrychiolydd Cyflogwyr sy'n Aelodau.

**Aelod o'r Bwrdd (Rhithwir):**

Mr. T. Bowler, Cynrychiolydd o'r Undeb.  
Mr. R. Edwards, Cynrychiolydd Cyflogwyr sy'n Aelodau;

**Hefyd yn bresennol fel sylwedydd (Rhithwir):**

Cynghorydd D.E. Williams, Cadeirydd Pwyllgor Cronfa Bensiwn Dyfed;

**Hefyd yn bresennol (Yn y Siambr):**

R. Hemingway, Pennaeth Gwasanaethau Ariannol;  
A. Parnell, Rheolwr Pensiwn a Buddsodiadau Gyllidol;  
K. Gerard, Rheolwr Pensiwn;  
M. Owens, Cyfrifydd Cynorthwyr;  
J. Williams, Cyfrifydd Cynorthwyl;  
D. Hall-Jones, Swyddog Cefnogi Aelodau;  
J. Owen, Swyddog Gwasanaethau Democrataidd.

**Hefyd yn bresennol (Yn rhithwyr):**

E. Evans, Prif Swyddog Gwasanaethau Democrataidd.

**Siambr, Neuadd y Sir, Caerfyrddin. SA31 1JP ac o bell: 2:00yp - 4:00yp**

**1. YMDDIHEURIADAU AM ABSENOLDEB**

Ni chafwyd ymddiheuriadau am absenoldeb.

**2. DATGANIADAU O FUDDIANNAU PERSONOL**

Ni ddatganwyd unrhyw fuddiannau personol yn y cyfarfod.

**3. COFNODION CYFARFOD Y BWRDD PENSIWN A GYNHALIWDYD AR 24 GORFFENNAF 2024**

**CYTUNWYD** bod cofnodion cyfarfod y Bwrdd Pensiwn a gynhaliwyd ar 24 Gorffennaf 2024 yn cael eu cadarnhau fel cofnod cywir.

#### **4. CYFARFOD Y PWYLLGOR CRONFA BENSIWN DYFED A GYNHALIWYD AR 19 MEDI 2024**

The Board considered the reports which were submitted to the Dyfed Pension Fund Committee for consideration at its meeting held on 19<sup>th</sup> September, 2024, as follows:-

##### **4.1 ADRODDIAD BWRDD PENSIWN CRONFA BENSIWN DYFED**

Cafodd y Bwrdd adroddiad gan y Cadeirydd Annibynnol, oedd yn rhoi'r wybodaeth ddiweddaraf o gyfarfodydd y Bwrdd Pensiwn a gynhaliwyd ar 14 Mai 2024 a 24 Gorffennaf 2024 lle roedd yr eitemau drafodwyd yn cynnwys:

- Adroddiad Cadeirydd y Bwrdd Pensiwn 14 Mai 2024 a 24 Gorffennaf 2024
- Monitro'r Gyllideb a'r Sefyllfa Arian Parod 30 Mehefin 2024
- Adroddiad Gweinyddu Pensiynau
- Adroddiad Torri Amodau
- Y Gofrestr Risg
- Cynllun Hyfforddi 2024-2025
- Penderfyniad y Bwrdd Pensiwn
- Y Wybodaeth Ddiweddaraf gan Gyd-bwyllgor Llywodraethu Partneriaeth Pensiwn Cymru
- Diweddariad Buddsoddi Cyfrifol Partneriaeth Pensiwn Cymru - Mehefin 2024

**CYTUNWYD bod Adroddiadau Bwrdd Pensiwn Cronfa Bensiwn Dyfed, ar gyfer 14 Mai a 24 Gorffennaf 2024, yn cael eu nodi.**

##### **4.2. MONITRO'R GYLLIDEB A'R SEFYLLFA O RAN ARIAN PAROD AR 30 MEHEFIN 2024**

Rhoddodd y Bwrdd ystyriaeth i adroddiad Monitro Cyllideb Cronfa Bensiwn Dyfed a oedd yn rhoi'r wybodaeth ddiweddaraf am y sefyllfa ddiweddaraf o ran monitro'r gyllideb ac arian parod fel yr oedd ar 30 Mehefin 2020. Cafodd y Pwyllgor wybod am danwariant o'i gymharu â chyllideb o £116k.

**CYTUNWYD bod yr adroddiad yn cael ei nodi.**

##### **4.3. ADRODDIAD GWEINYDDU PENSIYNAU**

Rhoddodd y Bwrdd ystyriaeth i adroddiad gan roi'r wybodaeth ddiweddaraf am gynnydd ar y gweithgareddau yn y gwasanaeth Gweinyddu Pensiynau ac roedd yn cynnwys materion rheoleiddiol, y gofrestr torri amodau, i-Connect, cysoniad GMP a llif gwaith.

Gwnaed cyfeiriad at adran 1c yr adroddiad - Dangosfyrddau Pensiynau. Gofynnwyd am eglurhad ar y paragraff 'We must be in a position to go live on 1st October 2025, however, there must also be a 1-year lead in connection period which will start no later than 1st October 2024'.

Eglurodd y Rheolwr Pensiynau fod rheidrwydd ar gynlluniau i gynnwys cyfnod arweiniol o flwyddyn. O ran Cynllun Cronfa Bensiwn Dyfed, mis Hydref 2025 oedd hyn. Gosodwyd y terfyn wrth gefn ar gyfer pob cynllun pensiwn ym mis Hydref 2026. Felly, rhwng mis Hydref 2024 a mis Hydref 2025 byddai disgwyl llythyr yn cadarnhau'r dyddiad cysylltu. Ar hyn o bryd, roedd data'n cael ei ddilysu ar y system i sicrhau bod dynodwyr pensiynau allweddol ar y system. Roedd gwaith parhaus yn digwydd gyda'r darparwr meddalwedd i sicrhau bod data yn cael ei uwchlwytho a'i dynnu'n hwylus o'r system pensiynau. Roedd y gwaith hwn yn cael ei wneud ar y cyd â'r 3 darparwr AVC - Prudential, Utmost a Standard Life.

Mewn ymateb i ymholiad pellach, rhoddodd y Rheolwr Pensiynau sicrwydd i'r Bwrdd bod yr holl waith ar y trywydd iawn ar hyn o bryd.

**CYTUNWYD bod yr Adroddiad Gweinyddu Pensiynau mewn perthynas â Chronfa Bensiwn Dyfed yn cael ei nodi.**

#### **4.4. ADRODDIAD TORRI AMODAU**

Cafodd y Bwrdd yr Adroddiad Torri Amodau, mewn perthynas â Chronfa Bensiwn Dyfed, i'w ystyried. Nodwyd bod Adran 70 o Ddeddf Pensiynau 2004 yn pennu'r ddyletswydd gyfreithiol i riportio achosion o dorri'r gyfraith. Mae Côt Ymarfer Rhif 14, paragraffau 241 i 275, a gyhoeddwyd gan y Rheoleiddiwr Pensiynau ym mis Ebrill 2015, yn rhoi cyfarwyddyd ynghylch riportio'r achosion hyn o dorri'r gyfraith.

Nodwyd na fu unrhyw achosion o dderbyn cyfraniadau'n hwyr gan Gyflogwyr ers y cyfarfod blaenorol.

**CYTUNWYD bod yr Adroddiad Torri Amodau mewn perthynas â Chronfa Bensiwn Dyfed yn cael ei nodi.**

#### **4.5. COFRESTR RISG**

Cafodd y Bwrdd adroddiad i'w ystyried a oedd yn rhoi'r wybodaeth ddiweddaraf am y Gofrestr Risg.

Rhoddwyd gwybod i'r Bwrdd fod y Gofrestr Risg yn ddogfen waith sy'n tynnu sylw at yr holl risgiau a nodwyd mewn perthynas â swyddogaethau Cronfa Bensiwn Dyfed. Nodwyd bod y gofrestr yn cynnwys manylion yr holl risgiau a nodwyd; asesu'r tebygolrwydd a'r raddfa risg o ran effaith bosibl; y mesurau rheoli risg sydd ar waith; y swyddog cyfrifol a'r dyddiad targed (os yw'n berthnasol) ac roedd yn cael ei hadolygu'n rheolaidd i sicrhau bod risgiau wedi'u nodi a'u hasesu.

Roedd y gofrestr yn canolbwyntio ar yr 13 risg Cyllid a Buddsoddiadau (a nodwyd fel rhifau risg F1-F13 yn y gofrestr) a chadarnhawyd, yn dilyn adolygiad o'r gofrestr, nad oedd unrhyw newidiadau i risgiau unigol ers cymeradwyo'r gofrestr yng nghyfarfod y Pwyllgor ym Mawrth 2024.

Cyfeiriwyd at risg F4 yn yr adroddiad. Mewn perthynas â'r risg, gofynnwyd a oedd camau wedi'u cymryd i fynd i'r afael â'r materion a sut y gallai effeithio ar y gronfa? Eglurodd Rheolwr y Trysorlys a Buddsoddiadau Pensiwn fod yr Ymgynghorydd Buddsoddi Annibynnol yn cyflwyno adroddiad annibynnol ar berfformiad y gronfa bob chwarter i gyfarfodydd y Pwyllgor. Gyda'r rhan fwyaf o'r asedau bellach wedi'u buddsoddi o fewn Partneriaeth Pensiwn Cymru, mae monitro is-gronfeydd yn digwydd yng Nghyd-bwyllgor Llywodraethu Partneriaeth Pensiwn Cymru a Phwyllgor Cronfa Bensiwn Dyfed.

Mewn ymateb i ymholiad pellach mewn perthynas â chyfeirnod risg F4 a'r pryder o ran tanberfformiad Baille Gifford, dywedodd Rheolwr y Trysorlys a Buddsoddiadau Pensiwn fod Baille Gifford ar draws cynnyrch Global Alpha, y buddsoddiwyd ynddo drwy Bartneriaeth Pensiwn Cymru, wedi bod yn tanberfformio. Eglurwyd bod rheolaeth is-gronfa'r Gronfa Tyfu Bydeang yr oedd Baille Gifford yn rheolwr sylfaenol arno yn symud o Waystone i Russell Investments. Yn ei hanfod, golygai hyn fod Baille Gifford yn dal i fod yn rheolwr o fewn yr is-gronfa, ond bod canran ei ddaliadau wedi gostwng o 40% i 18%.

Cyfeiriwyd at gyfeirnod risg G4 – 'Diffyg hyfforddiant i swyddogion ac aelodau; trosiant mewn swyddogion ac aelodau....'. Gofynnwyd a oedd hynny'n peri pryder? Eglurodd Rheolwr y Trysorlys a Buddsoddiadau Pensiwn, ers i Bartneriaeth Pensiwn Cymru gael ei sefydlu yn 2016, fod hyfforddiant rheolaidd ar-lein drwy Bartneriaeth Pensiwn Cymru i'r Pwyllgor a'r Bwrdd wedi cynyddu. Ystyrir bod faint o hyfforddiant sy'n cael ei ddarparu nawr yn ddigonol ar gyfer anghenion presennol y Pwyllgor a'r Bwrdd.

**Cytunwyd bod adroddiad y gofrestr risg yn cael ei nodi.**

#### **4.6. CYNLLUN HYFFORDDI 2024-2025**

Cafodd y Bwrdd ddiweddariad ynghylch y Cynllun Hyfforddi ar gyfer 2024-2025 a oedd yn manylu ar amserlen cyfarfodydd y pwyllgor, a digwyddiadau hyfforddi ar gyfer aelodau a swyddogion Cronfa Bensiwn Dyfed.

**CYTUNWYD bod y diweddariad ar Gynllun Hyfforddi Cronfa Bensiwn Dyfed ar gyfer 2024/25 yn cael ei nodi.**

#### **4.7. PENDERFYNIAD Y BWRDD PENSIWN MEWN PERTHYNAS Â CHWMNIAU GRWP BUTE**

Derbyniodd y Bwrdd yr adroddiad a gyflwynwyd i Bwyllgor Cronfa Bensiwn Dyfed ar atgyfeiriad y Bwrdd o'i gyfarfod a gynhaliwyd ar 14 Mai, 2024 yn ymwneud â gohebiaeth gan y Cynghorydd A. Lenny ar fuddsoddiad Partneriaeth Pensiwn Cymru yng Ngrŵp cwmnïau Bute a'i brosiectau ynni Tywi-Wysg a Thywi-Teifi.

Rhodddwyd gwybod i'r Bwrdd y byddai'r Pwyllgor Pensiwn yn ymateb i'r penderfyniad yn ei gyfarfod nesaf.

### **CYTUNWYD bod yr adroddiad yn cael ei nodi**

#### **4.8. DIWEDDARIAD CYD-BWYLLGOR LLYWODRAETHU PARTNERIAETH PENSIWN CYMRU**

Cafodd y Pwyllgor, er ystyriaeth, ddiweddariad o gyfarfod Cyd-bwyllgor Llywodraethu Partneriaeth Pensiwn Cymru a gynhaliwyd ar 17 Gorffennaf 2024, a roddai ddiweddariad ar y canlynol:

- Llywodraethu
- Gwaith parhaus i ddatblygu Is-gronfeydd
- Gwasanaethau Gweithredwyr
- Buddsoddiadau ac Adrodd
- Cyfathrebu a Hyfforddiant
- Adnoddau, Cyllideb a Ffioedd
- Cynllun Hyfforddiant

Roedd yr adroddiad yn cynnwys adroddiad y Gweithredwr a roddai ddiweddariad ar y canlynol:

- Diweddariadau'r Farchnad
- Diweddariad Busnes – Goruchwylio Trydydd Partïon Ch1 2024
- Gwerthoedd Is-Gronfa Partneriaeth Pensiwn Cymru ar 31 Mawrth 2024
- Ciplwg ar Gronfa Mawrth 2024 – Ecwiti ac Incwm Sefydlog
- Lansiadau a Newidiadau'r Gronfa
- Diweddariad ac Ymgysylltu Corfforaethol Waystone

Hefyd roedd crynodeb a sylwadau ynghylch perfformiad buddsoddi Partneriaeth Pensiwn Cymru ar gyfer Ch1 2024 (Ionawr - Mawrth 2024) wedi'u hatodi i'r adroddiad.

### **CYTUNWYD bod yr adroddiad diweddar am gyfarfod Cyd-bwyllgor Llywodraethu Partneriaeth Pensiwn Cymru ar 17 Gorffennaf 2024 yn cael ei nodi.**

#### **4.9. DIWEDDARIAD BUDDSODDI CYFRIFOL PARTNERIAETH PENSIWN CYMRU - MEHEFIN 2024**

Cafodd y Bwrdd adroddiad diweddar Buddsoddiadau Cyfrifol Partneriaeth Pensiwn Cymru ar 30 Mehefin 2024 yn manylu ar weithgarwch Buddsoddiadau Cyfrifol diweddar ynghyd â gwybodaeth am yr Is-gronfeydd a ganlyn yr oedd Cronfa Pensiwn Dyfed wedi buddsoddi ynddynt:

- Twf Byd-eang
- Ecwiti Gweithredol Cynaliadwy
- Credyd Byd-eang

Yn ogystal â'r uchod, roedd y diweddariad hefyd yn darparu Crynodeb Stiwardiaeth ynghyd â'r atodiadau perthnasol rhif 1-4 yn yr adroddiad.

**CYTUNWYD bod adroddiad diweddar Buddsoddiadau Cyfrifol Partneriaeth Pensiwn Cymru, fel yr oedd ar 30 Mehefin 2024, yn cael ei nodi.**

#### **4.10. COFNODION DRAFFT CYFARFOD Y PWYLLGOR PENSIWN 19 MEDI 2024**

**CYTUNWYD bod cofnodion drafft cyfarfod Pwyllgor Cronfa Bensiwn Dyfed, a gynhaliwyd ar 19 Medi 2024, yn cael ei nodi.**

#### **5. MONITRO CYLLIDEB Y BWRDD PENSIWN 1 EBRILL 2024 - 30 MEDI 2024**

Rhoddodd y Bwrdd ystyriaeth i adroddiad Monitro Cyllideb y Bwrdd Pensiwn am y cyfnod rhwng 1 Ebrill 2024 a 30 Medi 2024. Cyfanswm y gwariant gwirioneddol oedd £12.8k. Rhagwelwyd y byddai'r gwariant ar gyfer y flwyddyn £2.5k yn is na'r gyllideb.

**CYTUNWYD bod yr adroddiad yn cael ei nodi.**

#### **6. CYNLLUN GWAITH Y BWRDD PENSIWN 2024**

Bu'r Bwrdd yn ystyried Cynllun Gwaith y Bwrdd Pensiwn ar gyfer 2024 a oedd yn amlinellu gwaith y Bwrdd Pensiwn drwy gydol 2024 a'r eitemau i'w cyflwyno ym mhob cyfarfod. Nodwyd bod y Cynllun yn cael ei adolygu ym mhob cyfarfod o'r Bwrdd a'i ddiwygio yn ôl yr angen.

**CYTUNWYD bod Cynllun Gwaith y Bwrdd Pensiwn ar gyfer 2024 yn cael ei nodi.**

#### **7. CYNLLUN GWAITH Y BWRDD PENSIWN 2025**

Bu'r Bwrdd yn ystyried Cynllun Gwaith y Bwrdd Pensiwn ar gyfer 2025 a oedd yn amlinellu gwaith y Bwrdd Pensiwn drwy gydol 2025 a'r eitemau i'w cyflwyno ym mhob cyfarfod. Nodwyd bod y Cynllun yn cael ei adolygu ym mhob cyfarfod o'r Bwrdd a'i ddiwygio yn ôl yr angen.

**CYTUNWYD bod Cynllun Gwaith y Bwrdd Pensiwn ar gyfer 2025 yn cael ei gymeradwyo.**

#### **8. COFNOD CAMAU GWEITHREDU Y BWRDD PENSIWN**

Rhoddodd y Bwrdd ystyriaeth i Gofnod Camau Gweithredu'r Bwrdd Pensiynau a oedd yn cynnwys manylion am y camau gweithredu a'r diweddariadau o gyfarfodydd blaenorol. Nodwyd bod y cofnod yn cael ei adolygu ym mhob cyfarfod o'r Bwrdd a'i ddiweddarau yn ôl yr angen.

**CYTUNWYD bod Cofnod Camau Gweithredu'r Bwrdd Pensiynau yn cael ei nodi.**

**9. GORCHYMYN I'R CYHOEDD ADAEL Y CYFARFOD**

**PENDERFYNWYD**, yn unol â Deddf Llywodraeth Leol 1972, fel y'i newidiwyd gan Orchymyn Llywodraeth Leol (Mynediad at Wybodaeth) (Amrywio) (Cymru) 2007, orchymyn i'r cyhoedd adael y cyfarfod tra oedd yr eitemau canlynol yn cael eu hystyried, gan fod yr adroddiadau'n cynnwys gwybodaeth eithriadig fel y'i diffiniwyd ym mharagraff 14 o Ran 4 o Atodlen 12A i'r Ddeddf.

**10. ADRODDIAD YMGYSYLLTU ROBECO 1 IONAWR 2024 - 31 MAWRTH 2024**

**Yn sgil gweithredu'r prawf budd y cyhoedd PENDERFYNWYD YN UNFRYDOL**, yn unol â'r Ddeddf y cyfeiriwyd ati yng nghofnod rhif 9 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn cael effaith andwyol ar y Gronfa Bensiwn drwy beryglu perfformiad buddsoddi.

Bu'r Bwrdd yn ystyried adroddiad Ymgysylltu Robeco am y cyfnod 1 Ionawr 2024 – 31 Mawrth 2024.

**CYTUNWYD** bod yr adroddiad yn cael ei nodi.

**11. ADOLYGIAD O BERFFORMIAD BENTHYCA GWARANNAU NORTHERN TRUST 2023-24**

**Yn sgil gweithredu'r prawf budd y cyhoedd PENDERFYNWYD YN UNFRYDOL**, yn unol â'r Ddeddf y cyfeiriwyd ati yng nghofnod rhif 9 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn cael effaith andwyol ar y Gronfa Bensiwn drwy beryglu perfformiad buddsoddi.

Bu'r Bwrdd yn ystyried adroddiad Adolygiad Perfformiad Benthycia Gwarantau Northern Trust 2023-24.

**CYTUNWYD** bod yr adroddiad yn cael ei nodi.

**12. ADRODDIAD PERFFORMIAD A RISG YMGYNGHORYDD BUDDSODDI ANNIBYNNOL 30 MEHEFIN 2024**

**Yn sgil gweithredu'r prawf budd y cyhoedd PENDERFYNWYD YN UNFRYDOL**, yn unol â'r Ddeddf y cyfeiriwyd ati yng nghofnod rhif 9 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn cael effaith andwyol ar y Gronfa Bensiwn drwy beryglu perfformiad buddsoddi.

Ystyriodd y Bwrdd Adroddiad Perfformiad a Risg yr Ymgynghorydd Buddsoddi Annibynnol, a roddai wybodaeth mewn perthynas â pherfformiad y Rheolwr Buddsoddiadau ar gyfer pob chwarter, pob 12 mis a chyfnodau treigl o 3 blynedd, gan ddod i ben ar 30 Mehefin 2024. Roedd yr adroddiad hefyd yn cynnwys cefndir y farchnad fyd-eang a materion i'w hystyried.

**CYTUNWYD bod adroddiad Perfformiad a Risg yr Ymgynghorydd Annibynnol fel yr oedd ar 30 Mehefin, 2024 yn cael ei nodi.**

### **13. ADRODDIAD PERFFORMIAD NORTHERN TRUST 30 MEHEFIN 2024**

**Yn sgil gweithredu'r prawf budd y cyhoedd PENDERFYNWYD YN UNFRYDOL, yn unol â'r Ddeddf y cyfeiriwyd ati yng nghofnod rhif 9 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn cael effaith andwyol ar y Gronfa Bensiwn drwy beryglu perfformiad buddsoddi.**

Bu'r Bwrdd yn ystyried adroddiad Perfformiad Northern Trust a oedd yn nodi perfformiad Cronfa Bensiwn Dyfed fel yr oedd ar 30 Mehefin, 2024. Roedd yr adroddiad yn darparu dadansoddiad perfformiad ar lefel cronfa gyfan a chan y Rheolwr Buddsoddi am y cyfnodau ers y cychwyn.

**CYTUNWYD bod adroddiad Perfformiad Northern Trust ar gyfer Cronfa Bensiwn Dyfed fel yr oedd ar 30 Mehefin 2024 yn cael ei nodi.**

### **14. ADRODDIADAU'R RHEOLWR BUDDSODDI AR 30 MEHEFIN 2024**

**Yn sgil gweithredu'r prawf budd y cyhoedd PENDERFYNWYD YN UNFRYDOL, yn unol â'r Ddeddf y cyfeiriwyd ati yng nghofnod rhif 9 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn cael effaith andwyol ar y Gronfa Bensiwn drwy beryglu perfformiad buddsoddi.**

Bu'r Bwrdd yn ystyried adroddiad a oedd yn rhoi'r wybodaeth ddiweddaraf am berfformiad y Rheolwr Buddsoddi fel yr oedd ar 30 Mehefin, 2024 o ran:

- BlackRock - Adroddiad Chwarterol 30 Mehefin 2024;
- Schroders - Adroddiad Buddsoddi Ch2 2024;
- Partners Group - Adroddiad Chwarterol Ch2 2024;
- Cronfa Tyfu Byd-eang Partneriaeth Pensiwn Cymru - 30 Mehefin 2024;
- Cronfa Credyd Byd-eang Partneriaeth Pensiwn Cymru - 30 Mehefin 2024
- Cronfa Ecwiti Gweithredol Cynaliadwy Partneriaeth Pensiwn Cymru.

**CYTUNWYD bod adroddiadau'r Rheolwr Buddsoddi ar gyfer Cronfa Bensiwn Dyfed yn cael eu nodi.**

---

**CADEIRYDD**

---

**DYDDIAD**